



DEO OPTIMO MAX.

UNI ET TRINO,

VIRGINI DEI-PARÆ ET S. LUCÆ,

Orthodoxorum Medicorum Patrono.

BIU Santé
Médecine
Paris

QUÆSTIO MEDICA,

QUOD LIBETARIIS DISPUTATIONIBUS

*manè discutienda in Scholis Medicorum, die Jovis decimâ-octavâ
mensis Novembris, anno Domini M. DCC. LXXXIV.*

M. ANTONIO - FRANCISCO - PLACIDO - JOSEPHO
DESMARESCAUX, Doctore Medico, Præside.

An causa Vitæ, causa Mortis?

I.

CÆLESTIA prospiciens homo Cœlestibus addicitur. His in terris errabunda
sublimioris auræ particula argillofæ cuidam portioni ad tempus fuit alligata,
non affixa in æternum. Absit tamen credere Corpus humanum, caducam pere-
grinantis Animæ navicellam, suis non esse numeris absolutum. Est veluti Mundus
in Mundo, magnitudine non dignitate dissimilis. In exteriori paulisper con-
quiescas habitu. Aptissima quidem omnium membrorum dispositio, egregia
capitis collocatio. Quam super femora truncus affidet eleganter! Quàm appo-
sità brachia humeris adnata, brachiisque appensæ manus! Quàm bellè colorata

Authore M^o COCHU, 1732.

Cutis! Quàm venusta totius imago! At quid tamdiu corticem mireris? Intima properes curiosius perscrutari: solidorum & fluidorum adamussim ordinatam compagem explora. Hic, haud secus atque basis subjecta ædibus, corpori suffi-
nendo stabiliendoque firma stant ossa: ne sedibus excidant, validis inter se
nectuntur vinculis; ne faciliè frangantur, lentam sovent sorbentque medul-
lam; ne motibus exsiccentur levigatæ Cartilagine, unctuosâ rigantur *Synovia*.
Sed ne tanta simul amplectere; siste gradum. Incassumne sua verberat latera
Cor, perpetuum illud mobile, in medio corpore veluti appensum? ex uber-
rimo sinu Vitæ fons salit purpureus latex. Quantum rivulorum ex tam fausta
scaturigine emergentium numerus! Quanta varietas! Nunc opportunâ deoscu-
latione se sibi invicem affigentes, ad eandem tendunt plagam; nunc se femet-
ipsos fugitantes, varias prosequuntur vias. Hi partes qualdam vix salutantes,
alias benigno dirant rore; illi vagabundum rapientes liquorem paternum eum
refundunt gremio. Trahit quemque sua facultas: omnes indefessè agunt. O
quàm purpureum hunc laticem inenarrabili insequimur voluptare! Huic se sub-
ducit visceri, amicè illud ingressurus; in hoc tenuis, in illo spissior, in alio
flavescent, sub variis adrepat formis, tenuissimoque evanescit halitu. Attamen
effectus tam stupendos proprio Marte non exerit sanguis; non tanta solus sus-
tinet: alterno gaudet imperio cum fibris motricibus; hæ variis intricatæ vel
extensæ modis membranas efformant, fulciendis contegendisque fluidis accom-
modatas, fasciculos-ve (musclos vocant) componunt, figurâ, mole, & pro
partium situ & earum functione discrepantes. Cavitates quidam dilatant, eas-
dem stringunt nonnulli; trahunt hi, retinent illi: variis quoque legibus obli-
gantur. Hic pro nutu voluntatis ducuntur; illic voluntatem dissidentes Do-
minam famulari recusant, *Mechanismo* tantum inservientes: quidam inter istos
medium tenent; at omnes à nervis, fidelibus Animæ habenis, motum acci-
piunt & alacritatem. Afficiuntur nervi, Anima sentit; his vivificâ spirituosè tumen-
tibus Lymphâ, stat jucundum Corporis cum Animâ commercium.

I I.

EX eodem luto pars omnis est fabrefacta, at diverso modificata artificio.
Ex hac stupendâ varietate manat Ossium dura coagmentatio, compacta
Carnium structura, flexilis & elasticus Vasorum orbis, strictus Renum tex-
tus, vasculosa Testium compages, spongiosum Pulmonis *parenchyma*, mollis
& pulposa Cerebri substantia, musculosum Cordis robur, reticulosa Cutis
directio. Equè profectò mirabilis symmetrica hujus exigui Corporis distri-
butio, ac totius Orbis amplissimus ordo. Ibi staticæ, hydraulicæque omnes
machinæ longè latèque diffunduntur; at in Corpore humano reconduntur inti-
mius; Trochleas enim, Vestes, Receptacula, Syphones, Anthlias, Liquores,
Trabes, Antennas, Molas, atque Funes, & quidquid mechanicis tenetur
Legibus, utiliter in eo asservat humana Natura: hæc partes istas non finit inde-
corâ marcescere desidiâ. Suum cuique exequendum assignat opus. Solida amico
cum fluidis associata vinculo fulciunt, continent, & servant, fluida nutriunt,
& augent; accipit hæc pars, illa excipitur; hæc regit illam, hanc illa vicil-
sim moderatur; omnes alternatim movent & moventur; at nullum insurgit
dominium; mutuo munere obligari amant; momentaneâ vice causæ sunt &
effectus; nil sine consensu. Liquores solidorum impulsu adjuti canaliculis vel
exilibus pleno feruntur alveo. Solida à fluidis sustentata opportunam ab
iis mutantur flexilitatem, benignoque gaudent elatere. Hinc manat functionum

3

stabilitas, integritas secretionum; excretionumque libertas; hinc vitales motus, nutriendusque calor; hinc corporis æquilibrium; hinc tandem alacritas individui, sanitatisque vigor. At Eheu! Quid hæc Corporis humani concinnitas tantis elata laudibus? Quid organa hæc instructissima? nisi fictile Vas ad interitum præceps.

I I I.

CADUCUM est quicquid ortum habet. Omne vivens interitui acquiescit, quem si velis in aliquantulum retrahere, sobrius esto. Ignis cito citius exinguendi scintillas fove, non suscita: at immortalitatem ne stolidus affectes. Non facient ut stet in perpetuum Corpus Mædeides herbæ; non furto ereptus sanguis sanguini transfusus; extraneas hic sibi non arrogat opes. Ipsamet Medica Virtus, Mortem inoffenso pede currentem sistit tantum, non fugat; hæc autem tela contorquet Giganteos debellatura nisus. Mille Mortis causas circumferimus. Res *Non-naturales* dictæ variè corpus afficiunt. Sæpius cum illo blandè agunt, sæpius illud malè torquent: corpus enim pede non pulsant æquo. Modò vitam tuentur, modò gravi eam petunt ictu. Hinc motus adaugentur citius, vel tardius imminuuntur; hinc genuinus alteratur calor; hinc impuræ fiunt secretiones. Plus justo, vel debilius sanguinem verberant vasa; vel cruor languidius vehitur, vel vehementius turgescit. Fibræ nimis tensæ, vel relaxatæ nimis, rorem insanè repellunt, aut inutiliter admittunt. Sic noxam inferunt quæ nobis erant proficua. Stupeas ergo in prolixiorē Vitam non in citam Mortem.

I V.

NON à solis exterioribus imminet machinæ periculum. In sinu nostro, ut Vitæ sic Mortis causas fovemus. Ex ipsis Vitæ fontibus corpus haurit sui annihilationem. Vita in motu posita est; motu principia Vitæ dissolvuntur. Partium ex quibus Vita emergit indefinens alteratio, fluidorum quotidiana mutatio, solidorum exsiccatio continua, ineluctabilem nobis accersunt moriendi necessitatem. An à solidis omnis mali fomes? An à fluidis Vitæ corrumpantur penetrabilia? ne ambigatur: ab utrisque Vita pendet, ab utrisque Mors erit. Solida elaterio gaudentia, succum sensim sine sensu suos subeuntem poros, libenter admittunt, & ita explicari amant; hinc corporis accretio, quæ suis demum circumscribitur terminis. Proh dolor! Eadem tunc ferunt vulnus quæ antea ferebant opem: Cor enim ictibus repetitis salutarem ad partes protrudit succum; at motu perenni, feliciter partibus agglutinatum divellit. Calor sanguini fluiditatem fibrisque flexilitatem impertit; idem verò dissipat liquores, exsiccaturque fibras. At, inquires, imminentem ruinam arceat nutritio, partes ab innumeris Machinæ punctis avolantes, novarum appositione, continuo resarciens. Quid inde? Cordis, vasorumque totus ille vigor fibris explicandis hætenus impensus, accretione licet perfectâ, non idcirco imminuitur. Vis ipsa quæ succus truditur in poros, fibras jam satis extensas, nimio plus extendit; superstes quoque calor benignam earum depauperat molliem, rigescunt itaque paulatim, paulatimque tonum amittunt solidorum orbis. Fluidorum moles languidius pellitur; hinc stasis stagnatioque corruptionis parens: hinc extremitates algent obstructæ: tenuia præpediuntur perspirationis oscula, retrogredienque sanguis ramulos collaterales permeat solos ob inextuperabilem in extremis resistentiam. Res ideo quæ in commercium venerunt pares, etiam si per initia non luculenter se vicissim demoliantur, diuturnitate tamen disparili proportionē evadunt, & sic infelix editur decretio Mortis prænuntiā.

ÆTAS ætati succedit sed cunctis labitur temporibus. In doloribus homo paritur. Vagiens in lucem prodit. Acutissima inter Mortis spicula, vacillans crescit corpus: hos si pertranseat scopulos securus, corroboratur magis, at nihilominus vehementioribus offertur procellis; effrænata Juventutis dat colla iugo. Per fugiens istud temporis curriculum, Mors ludendo diris eum cruciat morbis. Hujus præcipiti impetu exagitur nimis, sæpius occumbit: cui si se subducatur adhuc, gradum conscendit virilem; ibi, lapsas ætates non longo prospiciens intuitu, in nova trahitur pericula, futura præsentit, at hæc, præ timore, velis obtendit etiam densioribus. Inane luctamen! Ecce enim; curva venit tacito pede Senectus. Ut hieme folia arbores, ita nunc calvum verticem albi deserunt capilli. Interseeant vultum rugæ. Pendula sit sub mento cutis. Stillant nares; inexplicata vox ore balbutitur edentato; surdescunt aures, ceterique sensus hebetes facti, miserè distrahuntur: faciles tunc oboriuntur lacrymæ, ineptique excutuntur risus. Tripes ideoque magis ac magis tremulum animal factus homo, tardo difficilique titubat passu, at vacillationem brevè lapsus insequitur. Prostrata exarescunt membra. Anhelans pectus impedita fugit suspiria. Insensilis intercluditur perspiratio; incertaque discernendorum cohors hæret in limite. Arteriæ osseam quasi nactæ duritiem, nec liquores trudunt, nec liquoribus cedunt; hi vero eglaciati stant immobiles. Polipofus evadit sanguis. Emaciata flaccescit caro. Aggravatæ concidunt palpebræ; excavatique oculi lucem quamvis ægrè ferentes, luce tamen orbantur ægrè. Interrogatus tunc filet pulsus, fugit calor, perit motus, obrepensque somnus irrevocabilis Corpus occupat anile.

Ergo, causa Vitæ, causa Mortis.

DOMINI DOCTORES DISPUTATURI.

M. Josephus COTTON.

M. Thesbaldus NIZON.

*M. Stephanus GROSIN DU-
HAUME.*

*M. Henricus-Joannes BAGET,
Chirurgiæ latino idiomate Pro-
fessor designatus.*

*M. Jacobus - Franciscus DE
VILLIERS, antiquus Regis
Exercituum Medicus ordina-
rius in Germania.*

*M. Joan.-Armandus ROUSSIN
DE MONTABOURG.*

M. Carolus-Jacob. SAILLANT.

*M. Edmundus-Francisc.-Maria
BOSQUILLON, Eques, &
Societate Medicâ Edimbur-
genfi, Professor & Censor Re-
gius.*

M. Natalis-Nicolaus MALLET.

Proponebat Parisiis BERNARDUS-NICOLAUS PLUUNET, Universitatis
Medicinæ Monspeliensis Doctor, nec-non Saluberrimæ Facultatis Medicinæ
Parisiensis Baccalaureus. A. R. S. H. 1784.

AB OCTAVA AD MERIDIEM.



Typis QUILLAU, Universitatis & Facultatis Medicinæ Typographi. 1784.